



Matadalan ba aplikante ba Pacific Engagement Visa (PEV):

Oinsá atu prepara ba entrevista serbisu nian

Matadalan ida-ne'e sei ajuda aplikante ba PEV prepara ba entrevista serbisu nian ho empregadór sira iha Austrália. Ita sei aprende kona-ba oinsá atu fó koñese an, hatán pergunta komún, no hatete sai ita rasik nia abilidade sira.

Dala barak entrevista serbisu nian sei hala'o liuhusi telemovel ka konferénsia vídeo nian. Importante atu prepara ho didi'ak hodi ita bele sente konfia-an no improva ita-nia oportunidade atu hetan serbisu ne'e.

Molok entrevista



Etap 1: Buka-hatene (halo peskiza) kona-ba kompañia

- Ko'alia kona-ba empregadór nia kompañia no indústriá hatudu katak ita prepara ho didi'ak ba entrevista serbisu nian ne'e
- Loke kompañia nia sítiu internét, liuliu parte 'about us' (kona-ba ami), 'values' (prinsípiu sira), no 'mission' (misaun) hodibele hatene buat ne'ebé importante kona-ba kompañia ne'e
- Halo peskiza kona-ba kompañia nia ekipa lider, no loke sira-nia mídia sosiál atu hatene saida mak sira ida-idak halo no saida mak importante ba sira ida-idak. Karik bele hahú hodi haree sítiu hanaran LinkedIn
- Se empregadór iha pájina LinkedIn ida, buka informasaun kona-ba empregadu(a) sira, inklui oinsá sira-nia kareira la'o ba oin iha kompañia ne'e
- Aprende kona-ba indústriá ne'e no kompañia ne'e nia atividade kompara ho kompañia sira seluk, no mós buka ba notisiás atuál ne'ebé karik envolve kompañia ne'e.





Etapa 2: Prepara hatán ba pergunta komún sira.

Baibain, empregadór balu husu pergunta balu ne'ebé atu hanesan, entaun pratika hatán sira sei ajuda ita sente pruntu. Porezemplu:

- **Halo favór konta utoan kona-ba Ita-Boot nia an rasik.** Prepara resposta badak hodi apresenta an, inklui ita mai husi ne'ebé no katak Ita mak aplikante PEV nian
- **Tanbasá mak serbisu ne'e interesadu ba Ita-Boot?** Ko'alia kona-ba oinsá ita-nia prinsipiu no esperiénsia sira han malu ho kompañia nia misaun ka objetivu sira
- **Ita-nia abilidade di'ak liu mak saida de'it?** Ko'alia kona-ba ita-nia abilidade di'ak ida-ne'ebé han malu ho papél ne'ebé ita aplika ba. Hodibele hatene abilidade sira-ne'ebé importante ba papel ne'e, lee didi'ak deskrisaun ba serbisu (job description) ne'e Informasaun ne'e fó sai abilidade no buat seluk tan ne'ebé importante ba empregadór
- **Agora dadaun Ita-Boot haka'as an atu hadi'a fraku saida?** Hili fraku ida-ne'ebé ita hanoin ita bele hadi'a. Ida-ne'e hatudu katak ita iha kapasidade atu refleto kona-ba ita-nia an rasik
- **Halo favór, konta utoan kona-ba ita-nia esperiénsia serbisu hamutuk ho ekipa ida.** Konta ezeplu ne'ebé hatudu katak ita bele serbisu hamutuk ho ema seluk iha ekipa laran.

Hatán hodi uza estratéjia STAR. Estratéjia STAR sei ajuda ita atu konta ho klaru no kompletu kona-ba ita-nia esperiénsia sira.

- **Situasaun:** Deskreve situasaun iha momentu ne'ebá
- **Tarefa:** Esplika tarefa (ka, knaar) ne'ebé Ita tenke halo
- **Asaun:** Deskreve asaun ne'ebé ita halo atu kumpre tarefa ne'e
- **Rezultadu:** Esplika saida mak akontese, katak rezultadu pozitivu tanba ita-nia asaun sira-ne'e.



Etapa 3: Pratika ita-nia resposta no prepara an

- Husu família ka kolega atu pratika entrevista ida, no husu sira-nia feedback ka opiniaun
- Prepara istória badak hamutuk tolu ka haat kona-ba ita-nia esperiénsia ne'ebé refleto ita-nia abilidade sira
- Hakerek nota badak kona-ba informasaun importante hodi ajuda ita hanoin-hetan buat sira-ne'e durante entrevista ida
- Prepara lista verifikasaun ba loron entrevista nian. Se atu halo entrevista online, verifika katak ita-nia Wi-Fi no teknolojia hotu funsiona ho didi'ak.

Durante entrevista ida



Baibain entrevista oinsá?

- Baibain entrevista tuir estrutura ida. Porezemplu, sira husu kandidatu ida-idak pergunta sira-ne'ebé hanesan. Baibain entrevista han tempu hanesan minutu 20-45
- Dala ruma ema ida halo entrevista no dala ruma ema rua ka liu
- Keta tarde. Se entrevista mak online, tama ba konferénsia sedu minutu lima. Se ita tenke bá to'o fatin ida, to'o sedu minutu 5-10
- Se ita aplika online liuhusi ajénsia rekrutamentu ida, dala ruma sira manda konvite automatiku nian ba ita atu asiste entrevista iha fatin ida. Importante katak ita fó-hatene rekrutadór katak ita seidaok to'o iha Austrália no ita presiza halo entrevista ne'e online
- Se ita aplika ba papél korporativu (porezemplu xefe ruma iha eskritóriu ida), baibain ita tenke asiste entrevista rua ka liu
- Iha entrevista nia parte rohan, sira sei husu se ita hakarak husu pergunta balu. Ida-ne'e mak oportunidade atu hatudu katak ita mak interesadu ba kompañia ida-ne'e
 - **Porezemplu, ita bele husu:** "Baibain, durante loron ida nia laran, ha'u sei halo knaar saida de'it?", "Tansá mak Ita-Boot gosta serbisu iha kompañia ida-ne'e?" ka "Abiliade saida de'it mak importante liu atubele serbisu ho susuesu iha kompañia ida-ne'e?"

1 Impresaun dahuluk mak importante

- Hatais hanesan profisionál ba entrevista hotu, inklui liuhusi vídeo-konferénsia
- Tuur loos, hatudu oin midar, no haree ba kámara – nune'e haree hanesan Ita hateke ba sira
- Ko'alia maka'as no klaru no keta ansi bainhira hatán ba pergunta sira. Ita bele uza tempu uitoan atu hakerek ideia balu hodi bele hatán ho klaru liu
- Sempre hatudu respeitu no husu obrigadu ba entrevistadór (sira-)nia tempu
- Sai prontu atu husu pergunta ba empregadór, porezemplu kona-ba etapa tuirmai iha prosesu hetan serbisu ne'e
- Se sira hakarak ko'alia kona-ba loron primeiru ba serbisu, esplika ita-nia aplikasaun vistu nia oráriu.



PEV nia Servisus Apoiu ba Empregu bele ajuda ita prepara ba ita-nia entrevista. Ita bele hetan informasaun liután kona-ba PEV nia Servisus Apoiu ba Empregu iha pev.gov.au

Iha ami-nia sítu internét ita bele buka-hetan rekursu seluk tan, inklui follu faktu sira no modelu dokumentu atu kria rezume sira. Ita mós bele tau naran ba Sesaun Informasaun kona-ba Empregu sira hodi aprende buat seluk tan kona-ba buka-hetan serbisu iha Austrália.

Sujestaun sira ba komunikasaun

Dala ruma, ema bele komprende sala katak ita la interesadu bainhira ita sente moe ka fó sai hatán ne'ebé badak de'it. Di'ak atu buka dalan atu halo ema hotu sente kmaan bainhira entrevista foin hahú, porezemplu bainhira ema fó koñese an ka basa-basi ka chit chat. Ko'alia kona-ba buat ne'ebé interesante ba empregadór, ka husu sira se sira-nia loron la'o ho di'ak ka lae? Ida-ne'e bele kria ambiente pozitivu no kalma.

Depoizde entrevista

Manda email badak ba empregadór atu husu obrigadu.

Se ita seidauk simu email husi sira iha semana ida nia laran, manda email hodi buka tuir ho respeitu kona-ba ita-nia aplikasaun nia progresu.

Hanoin didi'ak kona-ba buat pozitivu no mós buat negativu durante entrevista ida, no oinsá ita bele halo ho di'ak liután iha entrevista tuirmai.

Keta haluha, presiza tempu atubele hetan esperiénsia kona-ba asiste entrevista ho didi'ak. Keta sente laran-tun, entrevista ida-idak mós oportunidade ida tan atu hetan esperiénsia liután.



Short thank-you email template

PEV applicants can use the following template when creating a short thank-you.

- i Instructions for use:**
- Copy and paste the right column text into a new email (e.g. Gmail, Microsoft Outlook, Yahoo, AOL)
 - Do not copy the blue instruction text in the left column
 - Replace the text in [orange brackets] with your own information.

INSTRUCTIONS

Mention something specific you discussed during the interview, for example, the team you would be working with or a particular project.

Insert your personal details:

*Your full name,
Your phone number
Your email address*

TEXT TO COPY

Subject:

Thank you – Interview for [Job Title]

Message:

Dear [Interviewer's name],

Thank you for your time today to discuss the [Job Title] role. It was a pleasure to learn more about the position and about [Company Name].

I particularly enjoyed learning about [Interview topic].

I am very interested in this opportunity and believe my skills would be a great fit.

I look forward to hearing from you regarding the outcome of the recruitment process.

Kind regards,

[Firstname Surname],
[(Country code) Phone number]
[name@serviceprovider.country domain code]